

奩

史

奩史卷二十

東吳王初桐于陽篡述

泰州侍 朝補堂校刊

妾婢門二

婢

孫權末羅陽縣神有一婢名紡績權遣人迎之所歷

山川令紡績與神相聞

小名錄

郭璞至廬江愛主人婢取小豆繞屋散之主人見赤衣人數千萬圍其家請璞爲卦璞曰急賣此婢則崇除矣主人從之璞因取焉

涑水紀聞

祖光祿性孝常自爲母炊爨作食王平北以兩婢餉之因取爲中郎有人戲之曰奴價倍婢何氏語林

秦人得本家婢生一子惡之乞與鄰家大富貴本家貧後取歸遂復富鄰家仍貧雲嬌類要

杜蘭香有婢子二人大者萱支小者松支搜神記

女仙王進賢有婢名六出姓田氏漁陽人田諷之孫

體貌修整有節操南岳魏夫人傳

劉道真求婢不從乃下地叩頭婢懼而從之明日語人曰手椎固是神物一下而婢伏淫海錄碎事

綠草采音宋劉真道家婢也北史

孔熙光有婢曰採藻

宋書

齊穆后婢馮小憐色美后愛衰以五月五日進之號

曰續命

女世說

有商人見清湖君君問所須商曰但乞如願君許之
果得一婢如願卽其名也商有所求悉能致之後因
正旦如願晚起商人撻之走入糞帶中不見今人正
旦以細繩繫綿人投糞帶中曰乞如願

雲仙雜記

青洪君以如願送歐陽明如願者神婢也所願輒得
數年大富

錄異傳

馮紀爲荊州監軍將侍婢二人戎服自隨

青林類記

樵青張志和婢也志和令樵青竹裏煎茶茶譜

獨孤明有婢曰懷春稚齒俊俏

西陽雜俎

王度至程雄家雄新受寄一婢頗端嚴名曰鸚鵡度疑其精魅引鏡逼之化爲老狸而死古鏡記

東陽公主應閤婢曰王鸚鵡

侍兒小名錄

女道士魚元機字幼微一女僮曰綠翹亦明慧有色忽一日機爲隣院所邀迨暮歸院綠翹迎門曰適某客來知鍊師不在不舍轡而去客乃機素暱者意翹與之私裸而答數百遂絕機坎後庭瘁之客有宴機室者洩於後庭見青蓮集壁上詳視之如有血痕客

竊語其僕僕兒爲府衙卒常求金於棧機不顧因呼
數卒入院發之見綠翹面如生遂執元機送京兆府
至秋竟戮之

三水小牘

春鶯李準婢名

五國故事

韓熙載致位通顯不妨閑婢妾有北齊徐之才風侍
兒往往私客客賦詩有云最是五更留不住向人枕
畔著衣裳熙載亦不介意

南唐近事

崔義起妻蕭氏有婢曰素玉

報應記

陳無咎宴客用一婢典斟必十二而後始滿以盡誠
敬之道

洛陽要記

李公擇有婢名雲英欲出不果坡詩云細思還有可

恨事不許藍橋見傾國

東坡集

黎太君王氏家婢病疫王氏親爲煮藥致膳

東齊記事

馬全節嘗有侍婢偶不愜意自擊殺之後染重病忽

見其婢索命不旬日而卒

玉堂閒話

銀花高文虎婢以元宵時近點燈來因名

癸辛雜識

官柳邦衡侍婢名

胡省齋集

周延翰有一婢名丹砂

稽神錄

秦檜有婢名興兒

三朝北盟會編

李生者日賣養脾丸於市嘗揭巨榜於前日不使丁

香木香合則天誅地滅家蓄二婢以事炮製李一旦溺死於河家計蕭然其妻遣去二婢尋亦事人他日後夫扣之妻曰向所遣去二婢先夫專委之修合一名丁香一名木香其實不用二藥也

潤泉日記

婢曰董浣董治也浣洗也亦曰都養都主也

事物異名

葉舒穎憶小婢垂絲云關心最怕春光去花發閒堦憶小名

學山瑣錄

佳口佳婢也周太祖命尉遲綱伐蜀曰事平當賞汝佳口及克蜀乃賜侍婢一人

名句文身表異錄

傳婢傳謂附也幸也婢近幸於主曰傳婢一云傳婢

謂傳相其衣服祖席之事

漢書王吉傳注

顧行常不宜兒子其婦將產求術於郭璞璞曰法當

字乳婢曰青蘿如其言呼之兒果無恙

郭氏洞林

王安國子婦有身訪乳婢女僧曰有一人丈夫死未

久自求售身安國以二萬得之又三年安國守宛陵

挈家之官舟次泗州一男子喝於前曰乳婢之夫也

求索其妻至夜乳婢忽竄去遍索不得詰旦乃見尸

浮於水面

玉照新志

官妓卽官婢也周禮奚三百人注今之官婢

輟耕錄

嚴武卒母曰而今而後吾知免爲官婢矣

唐詩紀事

元載妻王氏曰使妾爲春婢不如死

劉賓客嘉話錄

石崇廁常有十餘婢侍列皆麗服藻飾置甲煎粉沈香汁之屬客入與新衣著客多羞獨王敦脫故著新神色傲然羣婢相謂曰此客必能作賊

女世說

石崇廁婢用漆箱盛乾棗奉以塞鼻

白氏六帖

石崇廁婢持錦囊進以爲籌

語林

阮仲容先幸姑家鮮卑婢及居母喪姑當遠移將婢去仲容借客驢自追之累騎而返曰人種不可失卽

遙集之母也

世說新語

阮咸通胡婢生子孚咸遺姑書曰胡婢遂生胡兒姑

荅書曰魯靈光殿賦曰胡人遙集於上楹可字曰遙集也故孚字遙集

阮孚別集

宋女子陳梅莊工詩嘗作蠻婢詩云從今莫學綿蠻語怕有傍人隔柳聽

女世說補

王琨父懌不辨菽麥莫肯與婚家以獐婢恭心侍之

遂生琨

南齊書 丹鉛總錄云獐音騷續補侍兒小名錄作獐婢

韓愈詩一婢赤脚老無齒

昌黎集

歐陽脩詩小婢立我前赤脚雙髻丫

歐陽文忠集

蘇軾詩常呼赤脚婢雨中擷園蔬

東坡集

金人呼婢曰亞海軫

事物紺珠

婢似貓煖處便住

義山雜錄

婢稱一頭

北戶錄

今呼侍婢曰丫頭言頭上方梳雙髻卽漢所謂偏髻也劉賓客詩花面丫頭十三四春來綽約向人時爲白傳小樊而作花面者未開臉也

留青日札

丫髻謂頭梳雙髻未適人之粧也辛延年詠胡姬兩鬟何窈窕正指十五歲時

李義山詩注

王通叟詩十三妮子綠窗中今山東曰婢曰小妮子

其語亦古矣

升菴詩品

東京夢華錄曰凡僮婢妮

古之媵猶今之從嫁者也按公羊傳曰媵者何諸侯

娶一國則二國往媵之以姪娣從之

野客叢書

于令升左傳注云兄之女來媵曰姪妹來媵曰娣若兄之女不媵者但曰兄之女而不曰姪妹不從媵者但曰妹而不曰娣

升菴經說

秦伯嫁女於晉公子爲之飾裝從衣衣之媵七十人

至晉晉人愛其媵而不愛公女

韓子

周武聘突厥女爲后西域諸國女皆來媵

唐會要

孟祖母李氏本長公主媵常夢大星墜懷以告主主

曰此婢有福相乃令知祥幸之遂生昶

蜀鑑

宋有一郎官年六十餘置媵妾數人鬢已班白令其

妻互鐸之妻忌其少恐爲羣妾所悅乃去其黑者妾欲其少乃去其白者不踰月頤領遂空

碧湖雜記

朱勔媵妾亦有封號

玉照新志

周益公夫人妬有媵公盼之夫人縻之庭公過之當暑媵以渴告公以熱水酌之夫人窺於屏曰好個相公爲婢取水公笑曰獨不見建議井者乎

韋居聽與

乾道間有一媵隨嫁單氏而生尙書薨又往耿氏生侍郎延年及死尙書侍郎爭葬其母事達朝廷孝宗曰二子無爭朕爲葬之

貴耳錄

劉洪欽因女出閣得一媵極殊麗名蘭蓀詰其家世

云隨父官淮被掠劉太息先其女嫁之

樂善錄

古所謂媵妾者今世俗名曰祇候人或云左右人以其親近爲言已極鄙俚浙人呼爲貼身或曰橫牀江南又爲橫門尤可笑

雞肋編

霍仲儒與平陽侯家侍兒衛少兒私通生去病

漢書

爰盎有從吏盜盎侍兒盎知之不泄人有詰從吏言盎知爾與侍兒通乃亡盎追還以侍兒賜之

史記

陸賈令五男散居而攜侍兒遊於五子之家

延壽錄

侍兒韓俊娥最得帝意每寢必召令振聳支節然後成寢別賜名來夢兒蕭妃嘗密訊俊娥曰帝體不舒

汝能安之豈有他媚俊娥進言妾從帝見帝嘗在何
受車車行高下不等女態自搖帝就搖怡悅妾私效
車中之態以安帝耳非他媚也 大業拾遺記

世言白樂天侍兒惟小蠻樊素二人予讀集中紅綃
信手舞紫綃隨意歌紅紫二綃亦女奴也 容齋隨筆

監察御史清河張佖侍兒仙鵝能歌舞解書翰嘗出
使以仙鵝充使典 侍兒小名錄

霍小玉與李生薦枕之夕侍兒桂子浣紗與生脫靴
解帶 霍小玉傳

韓偓有別錦兒詩錦兒侍兒也 叙小志

晏文獻新納侍兒甚屬意每張子野來令侍兒出作
觴其後王夫人不容出之子野作碧牡丹詞令營妓
歌之至末句云望極藍橋但暮雲千里幾重山幾重
水公憮然曰人生行樂耳何自苦如此亟命復取前
所出侍兒既來夫人亦不復誰何也

道山清話

東坡一日食罷捫腹徐行顧謂侍兒曰汝輩且道是
中有何物一婢曰都是文章一婢曰都是識見坡不
以爲然至朝雲乃曰學士一肚皮不合時宜坡捧腹
笑

梁溪漫志

王直方家多侍兒而小鬟素兒尤妍麗王嘗以蠟梅

花送晁无咎无咎以詩謝之有云芳菲意淡姿容淺
憶得素兒如此梅

賓朋宴語

洪羽之女遇巨盜於江中欲逼之女投江死兩侍兒
大曰宜恩小曰勻奴姓吳氏女兄弟也俱有色藝亦
相隨赴水死

梁溪漫志

紅藕紅薺皆周郎中侍兒曹叟授曲女弟子

曝書亭集

黃夫人侍兒姍姍稟性婉媚善伺夫人意先事即得
夫人每曰此我如意珠也

艾菴存稿

一中貴夜巡忽聞塚中人聲蓋旣瘞而甦者發之得
一女子云爲某翰林姬人之侍兒遭鞭箠將斃復置

冰上凍一夕而死

太白劍

帝釋宮中有七房房有七天后后有七侍女

雜阿含經

紫微王夫人年可十三四左右兩侍女年可十七八

整飾非常

列仙傳

龍邱子自洛之蜀載二侍女戎裝駿馬至溪山佳處

輒留連數日見者以爲異人東坡詞云細馬遠馱雙

侍女青巾玉帶紅靴

落溪漁隱叢書

西清詩話曰

載二侍女以遠遊蓋有所制而然亦可謂笑也

林文安公方建屋梁橫於戶侍女騎而出匠罵之女

曰閣老尙書不此中出耶公異其語私召之生男機

爲大宗伯

開小紀

王莽妻旁侍者原碧莽幸之初莽爲侯就國時幸侍者增秩懷能開明增秩生男興懷能生男匡開明生男捷

續補侍兒小名錄

張谷佐劉從諫緝邯鄲才人李嚴女爲侍人號新聲諫谷曰始天子以從諫爲節度非有戰野攻城之功直以其父挈齊十二州還天子去就間不能奪其嗣耳自有澤潞未間以一縷一蹄爲天子侍左右皆無賴章武朝數鎮鎮覆雄才傑器尙不能回天子恩况從諫擢自兒女手中不以法得亦宜以不法終君當

脫旅西去大丈夫勿顧一飯恩以骨肉腥健兒食言
訖悲涕谷不決後果及禍

新唐書

徐黃州有鄭趙門齊四侍人張夫人攜其一往壻家
爲浴兒之會適張無盡過之云厥有美妾良由令妻
浴兒於玉潤之家一嬰兒矣侍坐於冰清之側三英
粲兮旣慕而張夫人還其一乃門嬖也

香齋紀聞

顏真卿小青衣雙鬟名剪綵

顏真卿十七事亦見常侍

華州柳參軍妻崔氏有青衣曰輕紅

乾饌子

李愿多內寵晚得青衣乃色中之尤者因字之曰真
珠及愿年老真珠名聞者乃曰愿老矣家藏一女實

不上聞恐非所宜欲得一善文者狀其妍麗表進之
乃求表於虞卿虞卿曰須一見俾容態誌在吾目然
後可以操文愿從之虞卿旣見此姬乃話於牛僧孺
僧孺方持國柄且曰愿欲何求吾能致之亦何必上
聞虞卿曰愿意已決矣相公以計取之方可得也乃
薦漢公爲行人漢公乃往見愿曰竊聞司空欲貢一
妾有之乎愿曰然漢公曰竊爲司空危之愿曰何也
漢公曰後宮如西子者數千司空以眞珠投之何異
擲一米於太倉乎設若眞珠承寵勢傾六宮必責司
空久自寵憐歷年不進之憾矣愿曰奈何漢公曰大

凡尤物必能禍人真珠進與不進恐終與司空爲禍
然內外皆知司空欲進此妓一日罷之人必謂司空
惑溺而不能舍爲司空計不若別與一人愿曰誰漢
公曰牛相訪求一美色久矣今司空不過求大鎮不
若將與牛相牛相得妓司空得鎮不亦可乎愿悅乃
以真珠歸於僧孺牛羊日歷 拙言曰皇甫松牛奇
章之甥也公不薦爲謗詩曰衣入
真珠室朝遊玳瑁宮真珠公侍妾也

賈參所寵青衣曰上清參得罪入掖庭

異聞錄

紅線薛嵩青衣也嵩爲潞州節度使田承嗣欲併之
嵩日夜憂悶紅線曰某能爲主解憂乃梳烏鬢髻貫

金雀釵衣紫纈短袍紫青絲絢履胸前佩龍文匕首
額上書太乙神名倏忽不見嵩返身閉戶背燭危坐
忽聞曉角吟風一葉墜落卽紅線迴矣嵩問之紅線
曰某達魏城凡歷數門遂及寢所承嗣在帳內酣眠
頭枕文犀枕前露七星劍劍前仰開一金台台內書
生身甲子與北斗神名復以名香美珠散覆其上某
遂持金台以歸嵩乃發使人魏遺承嗣書以金台授
之承嗣驚惶欲例不敢爲患

紅線傳甘澤謠同

李商隱有錦瑟詩錦瑟令狐楚家青衣名

紫微詩話

張不疑以錢六萬置青衣曰春條鴉髻垂耳音旨清

婉有所指使無不愜適不疑素禮門徒尊師者謂有
邪氣不疑令作法春條撲然作聲視之一朽冥器耳
背上題曰春條

補侍兒小名錄

姜堯章葬西馬塍蘇石挽之云幸是小紅方嫁了不
然啼損馬塍花小紅范石湖所贈青衣也

研北雜志

周汝航妻朱靜菴能詩父執某有青衣曰寒梅妻亡
欲圖再娶青衣過靜菴哭訴其情靜菴題一絕云一
夜西風滿地霜粗粗麻布勝無裳春來若覩桃花而
莫負寒梅舊日香

說聽

李司徒女奴百餘人皆絕藝殊色

揚州夢

觀察使李庚之女奴名却要美容止善辭令李有四子所謂大郎二郎三郎五郎也咸欲烝之而不得嘗遇清明之夜大郎遇之於櫻桃花影中乃持之求偶却要取茵席授之曰可於廳中東南隅停待又遇二郎調之曰可於廳中東北隅相待又逢三郎東之曰可於廳中西南隅相待又遇五郎握手不可解曰可於廳中西北隅相待四郎皆持所授茵席各趨一隅頃却要燃炬豁扉照之曰阿堵貧兒爭敢這裏覓宿處四子各掩面而走自是不敢失敬

三水小牘

劉元溥女將出適求女奴資行用錢八十萬得四人

其一名蘭蓀者風骨姿態不類賤隸詰之果衣冠子
卽以家財五十萬先其女嫁之

陰德傳

金亡其將郭斌驅其妻子聚一室焚之有女奴自火
中抱兒出泣授人曰將軍盡忠忍使乏嗣此其兒也
幸哀而收之言畢復赴火

女世說

朶那者偉兀氏之女奴也寇劫偉兀氏不得物乃反
接主婦拔刀礪頸上諸侍婢皆散走朶那獨以身覆
主婦請代死且告曰家之貨寶皆吾所藏主婦弗知
也若免主母死當悉與將軍寇允解主婦縛朶那乃
探金銀珠玉幣帛等散置堂上寇爭奪之竟又欲犯

朶那持刀欲自屠冠驚異捨而去朶那泣拜主婦曰
棄主貨全主命權也妾受命主鑰失貨而全身非義
也請從此死遂自殺

輟耕錄

寇掠高郵韋寅之妻王惠與其姑相繼赴井有女奴
始笄尤娉婷亦從溺

銀鹿春秋

丁諷常令兩女奴掖侍見客後以好色致疾益求妙
年殊質以厭其心客出不能送令一婢于送至中門
以故賓客之至者加多

談薈

王晉卿有二女奴名穠李昭華魯直詩曰穠李四弦
風拂席昭華三弄月侵牀

侍兒小名錄拾遺

狂客過豪家索酒適見有饋魚蟹者未出客曰孟嘗
門下焉得無魚使部盤中定須有蟹一女奴出將母
命荅曰主人不殺已付校人畜去上客先期都爲學
士嘗空

元亭閒話

司空圖居王官谷出則以女僕鸛臺自隨

續世說

凡女僕同輩謂長者爲姊後輩謂前輩爲姨

凍水家集

女厮謂之娠郭璞曰女厮婦人給使者

方言注

杜牧云覓常婢市寒賤可制使者

名句文身表異錄

都下買婢謂未嘗入人家者爲一生人喜其多純謹
也

老學菴筆記

張不疑買一婢曰金釘價一十五萬

靈怪錄

柳仲郢一婢鬻於蓋巨源家見其主親市綾羅酬酢可否失聲什地曰某雖賤人曾爲柳家細婢死則死耳安能事賣絹牙郎乎

嬾真子錄

楊元孫以婢采蘭貼與黃權權死後元孫就權妻吳贖婢吳背約不還元孫訴於臨海守蔡樽判還本主吳能爲巫出入樽內以金釧贈樽妾遂改判與吳元孫搥登聞鼓訟之

南史

石季倫愛婢名翹風年十五無有比其容貌特以姿態見美崇嘗語之曰吾百年之後當指白日以汝爲

殉荅曰生愛死離不如無愛妾得爲殉身其何朽於是彌見寵愛

拾遺記

有授書生私通於張說侍婢之最寵者擒得姦狀說將窮其獄書生厲色曰覩色不能禁人之常情公貴爲相豈無緩急用人者何靳一婢女耶說奇其言而釋之以婢與歸書生去旬日忽一日訪說言姚相構獄因請得公平生所竇者用計於九公主說以雞林郡夜明簾與之書生遂夜詣九公主邸第言之兼用爲贊公主明旦奏之遂罷其事

撫異記

武翊皇惑婢薛荔苦其冢婦盧氏衆論不容終至流

竄南部新書

周室大夫之妻淫於隣恐夫覺之爲毒藥使媵婢進之婢念進之則殺主父告之則殺主母於是佯仆而覆酒主父笞之婢就杖而不言主父之弟以告主父放其妻將納婢婢辭欲自殺乃厚幣嫁之

劉向列女傳

翟氏女名素未嫁遭賊欲犯之臨以白刃素婢名青乞代素賊殺素後欲犯青青曰素尙死何以生爲賊復殺之

皇甫謐列女傳

張孟喆妻李氏遭寇與夫妹相挈投井中婢妙聰亦隨入見二人俱未死因李有孕恐水冷有所害遂負

之於背賊退出三人於井而婢則死矣

明史列女傳

盜殺周皇親取財去羅卒入獨見婢荷花兒伏泣據狀以聞於法司荷花兒不勝虐刑誣服凌遲行刑時語創于手曰兒是冤死幸相憐先殺而後鬻割不然吾必爲厲鬼殺爾不聽竟鬻割盡始死之越三日是人忽大呼云荷花兒殺我七孔流血死

耳談

洪臣死妻朱淑守節婢曰阿素淑欲嫁之素卽病淑許其爲貞素病卽起皆完節而死

香雨雜述

劉炎侍婢數人皆能爲聲樂又悉治書

菰中隨筆

鄭康成家婢女皆讀書常使一婢不稱旨使人曳著

泥中須臾復有一婢來問曰胡爲乎泥中荅曰薄言

往慙逢彼之怒

世說新語

李元謙樂雙聲語嘗經郭文遠宅曰是誰第宅過佳
婢春風出口郭冠軍家元謙曰此婢雙聲春風曰癯
奴慢罵元謙服婢之能

洛陽伽藍記

桓溫北征還得一巧作老婢乃是劉琨妓一見溫便
潸然泣曰公甚似劉司空溫大悅整衣冠問之婢曰
面甚似恨薄眼甚似恨小鬢甚似恨赤形甚似恨短
聲甚似恨雌溫不怡者數日

何氏語林

趙南仲避暑水亭作詩云水亭四面朱闌繞簇簇游

魚戲萍藻六龍畏熱不敢行海水煎徹蓬萊島身眠
七尺白蝦鬚頭枕一枝紅瑪瑙六句已成遂睡去侍
婢梅姐杏姐戲續聯云公子猶嫌扇力微行人多在
紅塵道南仲以爲得風人旨

昨非龍日息

王知軍夫婦醉臥羣盜入執羣婢縛之婢呼曰司庫
鑰者藍姐也藍姐卽應曰有無驚主人盡付匙鑰乘
大燭指引之金銀首飾盡數取去主醒方知發訴於
縣藍姐曰易捕也羣盜皆衣白妾秉燭時皆以燭淚
汚其背矣捕者密驗之果獲

賊警

張敬兒取仏通神以爲妾

南齊書

許敬宗嬖其婢因爲繼室假姓虞

六帖

婢作夫人舉止羞滿

梁武帝書評

楊文貞公在內閣時夫人已早世惟一婢侍巾櫛而已一日中宮有喜慶大臣命婦朝賀太后問公無命婦令左右召其婢至則諸命婦已退矣太后見其貌既不揚衣復儉陋命妃嬪重爲梳整易內製首飾衣服而遣之且笑曰此回楊先生不能認矣翼日命所司如制封之卽導之母也

王臺叢話

宋欽道婢名輕霄後入宮得幸後主爲后

北齊書

劉聰以婢爲后

丹鉛總錄

唐李錡之死也二婢配掖庭其一曰鄭則幸於憲宗
生宣宗後爲皇后

說唐開元

王濟左右人嘗於閣中就婢取濟衣服婢欲姦之其
人不敢婢云若不從我當大呼其人終不從婢乃呼
曰某欲姦我濟令殺之

吳雲小說 經寬記挑英見
問錄雲其俱相同

郭一正得一高麗婢名王素極殊豔令專知財物庫
一正夜須漿水粥非王素煮之不可王素毒之一正
覺覓婢不得搜而得之奉勅斬車市

朝野僉載

楊謹於婢奉水有罪將殺之史敬忠曰勿殺賣之可
市十年歲耕田十頃得谷從之婢入貴妃姊家因得

見帝帝愛其辨慧留宮中寢侍左右帝問所從來婢
奏爲謹矜所賣具言敬忠夜過謹矜坐庭中步星變
夜分乃去帝怒有詔賜死

關化書

文待詔室人進二婢以嘗公公亟令去之

兩航雜錄

定定顧子家婢也初雖以色見寵仍令他適後乃遇
於東城外顧盼嗚咽不忘舊情

本事詩

徐幹臣有一侍婢色藝冠絕以妻妬不容逐去及妻
亡聞婢在蘇州一兵官處屢遣信欲復來而不得幹
臣感慨用其書中語製二郎神詞會李孝壽牧蘇州
命兵官送之

詩話總龜

陸小蓮者嘉興百福坊人應才之婢也爲其妻妬逐之遂赴水死後有李太無者夢見一吏及卒二人持公文而來詞曰嘉興路城隍司爲陸小蓮告至正八年溺水事冤屈未伸今發應才解岳祠取問是日應才死

輟耕錄

張詠知益州置侍婢以待巾幘在蜀四年被召還闕呼婢父母嫁之皆處女也

青瑣高議

崔郊與姑婢有情其婢端麗曉音伎姑貧鬻於連帥郊思慕無已其婢因寒食出值郊立於柳陰馬上連泣杳若山河郊贈以詩曰公子王孫逐後塵綠珠垂

溟滴羅巾侯門一入深如海從此蕭郎是路人有嫉
生者寫詩於座連帥令召生至幃幄盛饌爲增飾之
命婢同歸 雲溪友議

錢伯全嘗納一女髮風姿秀雅其室勸伯全私之伯
全乃具貲嫁之果處子也 輟耕錄

王君廓遺李元道一婢元道問婢所由云本良家子
爲君廓所掠因放遣之 山堂肆考

小虎者顧秀才女也年十二被賣於季家作婢以從
嫁董文友後悉其由來遂擇於王秀才董母親爲笄
誓行禮送之恐人以婢子故輕之也無何王秀才死

轉爲村人婦自悼命薄時時念主人恩曰不如長作

董家婢 本事詩

小說有唐解元詭娶華學士家婢秋香事乃江陰吉道人非伯虎也吉父爲御史以建言譴戍道人於洞庭遇異人得道術嘗游虎邱時有兄之喪上襲麻衣而內著紫綾禪適上海一大家攜室亦遊虎邱其小婢秋香者見吉衣紫顧而笑吉以爲悅已也詭裝變姓名投身爲僕久之竟得秋香爲室一日遞去大家跡之知爲吉厚贈奩具遂爲翁婿 古夫于亭雜錄

呂文安病喉絕粒有樵人治之立解問有婦否曰無

出諸婢使擇謬指一婢乃呂所悅者遂具粧奩與之
百衲居士叢談

玉京道人有婢曰柔柔莊且慧道人歸於東中一諸
侯不得意進柔柔奉之乞身下髮柔柔生一子而嫁
嫁家遇禍莫知所終

梅村集

碧玉一名窈娘喬知之寵婢也色藝爲當時第一武
承嗣聞之迫知之將金玉賂窈娘知之不肯便使人
就家強載以歸知之怨憤作綠珠篇傳於窈娘窈娘
得詩悲惋結於裙帶投井而死

侍兒小名錄 聞見錄曰後人名其井曰

窈娘井

蘇子瞻謫黃州蔣運使餞之子瞻命婢春娘勸酒蔣
乞以馬易春娘子瞻諾之春娘遂下階觸槐而死

書

朱吉士性好藏書尤愛宋板訪得吳門舊姓有宋槧
袁宏後漢紀係陸放翁劉須溪謝疊山三君手評遂
以一美婢易之蓋非此不能得也婢臨行時題詩於
壁云無端割愛出深閨猶勝前人換馬時他日相逢
莫惆悵春風吹盡道傍枝

靜志居詩話

方回有二婢曰周勝雪劉玉榴方遊金陵寄二婢於
其母周姬之家恣問杜陵之門勝雪者爲豪客挾去
方歸悵悵作詩有鸚鵡籠開綵索寬一朝飛去爲誰

歡之句

癸辛雜識別集

劉禹錫失婢詩云把鏡朝猶在添香夜不歸

呂仲子婢死有女四歲數來爲沐頭浣濯

桓譚新論

閨中參軍黃涉婢曰笑春紅死涉念之淚灑犀簾至
皆損壞

蜀普錄

晉惠帝時杜錫家葬有婢誤不得出後十年開冢耐
葬而婢尙生初婢之埋年十五六及開冢更生猶十
五六

續博物志

搜神記作漢杜緞

陳朗婢死已葬有人聞塚中人聲怪聽之婢曰我今
更活爲我報家開土取之強健如常

二酉綴遺

干寶父有寵婢母妬甚及父亡母乃生推婢於墓中

後十餘年開墓婢伏棺而甦史書估畢

屠象美有婢紅葉因內妬並死瘞之郊忽甦呼聲聞

於外發視則活類苑瑣語

石崇愛婢朝風最寵及年三十爲妙年者所毀遂退

爲房老使主羣少乃懷怨懟作詩拾遺記

婢妾年老而衰退者謂之房長亦曰房老名詞文身

婢之婢謂之重臺古月賦語

漢武微行造主人家有婢國色帝悅之留宿與婢臥

有書生連呼咄咄不覺聲高帝曰此人必婢婿也召

羽林擒問服而誅

殷芸小說

宋靖康之亂有中涓挈一宮人南奔僑寓平江稱夫婦潛蓄美男飾以釵珪佯爲婢而進之與宮人產子四歲中涓死宮人娶居偕婢撫其子他年宮人又產女鄰人聞於官訊之吐實以聞上詔給配賜姓名官成官成遂洗粧而衣冠爲丈夫其後更有二子皆舉進士長者爲奎章閣待制父母榮封焉

九朝通畧

卷二十一

奩史卷二十一

東吳王初桐于陽慕述

檣李吳文溥澹川校刊

倡妓門一

妓上

管仲治齊置女閭七百徵其夜合之貲以充國用此

卽教坊花粉之始

齊記

齊桓置女閭七百皆寡婦也

因樹屋書影

慈嶺以東俗喜淫置女肆徵其錢

唐書西域傳

奉化丐戶婦女皆業枕席其始宦家以罪殺其人藉

其牝官穀之而徵其淫賄以迄今也

猥談

娼品以體格顏色情分耍俏藝能俱全爲上

風月須知

戲市娼曰千人捏千人捏似蟹殼甚堅俗言千人捏不死因以爲名或以戲市娼云

俗呼小錄

今人謂娼婦曰猱兒

留青日札

猱能搔虎使睡而食其腦故名妓爲猱兒

事物紺珠

西域謂娼女曰摩鄧迦又曰尋香人

戒菴漫筆

劉劭趙都賦中山名倡襄國妓女

明辨類函

鳩摩羅什姚王以妓女逼令受之乃自講說譬如臭

泥中生蓮花但取蓮花勿取臭泥

傳燈錄

李季蘭初五六歲時其父抱于庭作詩咏薔薇云經
時未架却心緒亂縱橫父惠曰此女將來富有文章
然必爲失行婦竟如其言

全唐詩話

薛濤字洪度本良家子八九歲知聲律其父指庭梧
示之曰庭除一樹桐幹入雲中令濤續之應聲曰
枝迎南北鳥葉送往來風父愀然久之父卒母媚居
濤竟入樂籍

稿簡行筆

鍾陵妓雲英羅隱舊見之一日譏隱猶未第隱嘲之
曰鍾陵醉別十餘春重見雲英掌上身我未成名君
未嫁可能俱是不如人

全唐詩話

范文正公守番陽郡妓籍中有小鬟尚幼公頗屬意
既去以詩寄魏介介因寄以惠公 泊宅編

晁大夫增飾雲欲壓黃樓而張馬二子皆當年尊
下世所謂英英盼盼者盼卒英嫁盼之子營頗有家
風而晁妓未有顯者黃樓不可勝也 后山詞

營妓婁婉字東玉素少游與之密贈之詞云小樓連
苑橫空又云玉佩丁東別後是也又贈陶心兒詞云

天外一鉤殘月帶三星謂心字也 高齋詩話 泊宅

州一妓陶心者作流沙詞中二句缺月向人舒窈
窕三星當戶照綢繆缺月三星蓋心字

張子野於吳興見小妓兒奴賞其佳色後十年再見

于京口絕非頃時之容態矣

侯鯖錄

張仲舉詞楚芳玉潤吳蘭媚自注楚芳吳蘭二妓名
蛇巖樂府

有妓名楊柳絕色也道人來往其家然總不與交接
楊一夕乘醉過之道人倏忽不見

春雨堂雜抄

暨氏女十歲能詩賦野花云多情樵牧須簪髻無主
蜂鷲任宿房識者知其不潔後果然

推篷寤語

蘇杭妓名見于樂天詩中者如曰璣璫篴篥謝好箏
陳寵臂栗沈平笙李娟張態一春夢客坐唱歌滿起
舞真娘墓頭春草碧心奴頭上青霜白就中惟有楊

瓊在心奴已死胡容老又有九日代羅英二妓招舒
著作詩遣英倩二妓與舒員外同遊詩則所謂瓊瓏
謝好沈平陳寵李娟張態真娘心奴楊瓊容滿英倩
羅等皆當時妓姓名也

野客叢書

太平興國寺牡丹十月盛開有老妓題詩云曾趁東
風看幾巡冒霜開喚滿城人殘脂剩粉憐猶在欲向
彌陀借小春妓遂復車馬盈門

楓牕小牘

清了玉通皆高僧也太守柳宣教惡玉通使紅蓮破
其戒玉通誓必敗其門風遂托生柳宣教家名翠宣
教沒翠流落爲妓二十餘年與清了遇于六佛寺清

了又號月明爲之戴面具爲宰官身爲比丘身爲婦
人身現身說法示彼前因翠卽時大悟所謂月明和
尚度柳翠也今俗傳月明和尚馱柳翠燈月之夜跳
舞宣淫大爲不雅 湖端雜記

郢中倡女常擇一人名以莫愁永存古意 四話錄

北方倡妓皆用子爲名若香子花子之類 鷄肋編

妓曰綺娘又曰商女達旦謂妓曰草娘 事物紺珠

一點紅妓也劉郭云坐中若有一點紅斗筭之量成

千鍾 韻學事類

吳人呼妓爲生 本事詩

賤子賤娼濫婦之稱

輟耕錄

俗謂娼曰表子表對裏之稱表子猶言外婦

七修類稿

里語謂婦女倚門爲賣花

澤陽銷夏錄

樂天贈長安妓阿軟詩云綠水紅蓮一朵開千花萬
草無顏色

合璧事類

曹元寵母王氏能詩嘗有雪中觀妓詩云梁王宴罷
下瑤臺窄窄紅靴步雪來恰似陽春三月暮楊花飛
處牡丹開

桐江詩話

吳兆榕城小妓奇奇歌奇奇十二髮垂肩腕伸膝上
誰不憐鴉頭樣望如墮杏子衫新紅欲燃

本事詩

私妓曰私科子鷄雉所乳曰窠卽科也蓋言官妓出科私妓不出科如鷄雉之戀窠也一作私貨子又名半瓶醋留青日札

吳下風俗尚侈細民有女必教之樂藝以待設宴者之呼名爲私妓陳郁話腴

杭妓胡楚龍靚皆有詩名張子野多爲官妓作詩與胡而不及靚靚獻詩云牡丹芍藥人題遍自身如鼓子花子野于是爲作詞也後山詩話

呂士隆知宣州好答官妓妓皆欲逃去會杭州有一妓到宣士隆喜之一日郡妓復犯小過士隆又欲答

之妓泣訴曰某不敢辭罪但恐杭妓不能安也士隆
捨之聖俞因作莫打鴨一篇曰莫打鴨打鴨驚鴛鴦
隱居詩話

李師中贈官妓賈愛卿云願得貔貅十萬兵大戎巢
穴一時平歸來不用封侯印只問君王乞愛卿

後山詩話

官妓小蘇善歌舞關彥卿贈詩云昔日聞蘇小今朝
見小蘇未知蘇小貌得似小蘇無

泗上錄

福建官妓名小玉帶龍麟州詩云老夫記得坡仙語

病體難禁玉帶圍

詩話類編

楊維禎詩三十六橋明月夜姑蘇城裡有瓊花注云

官妓名瓊花宴者新自維揚來蘇州

蘇州集

營妓古以待軍士之無妻者

雜志

元微之過襄陽夜召名妓劇飲作詩云花枝臨水復
臨堤也照清江也照泥寄語東風好擡舉夜來曾有
鳳凰棲謝師厚作襄倅聞營妓與二胥相好此妓乞
書扇子遂改下句云夜來曾有老鴉棲

玉局遺文

油蔚贈別營妓卿卿云日照綠牕人去住鴉啼紅粉
淚縱橫

投知小錄

司馬溫公爲武定從事同幕私幸營妓公諱之嘗會
于僧廬荆公往迫之使妓踰垣而去荆公集句戲之

云年去年來來去忙暫閒偷臥老僧牀驚回一覺遊
仙夢又逐流鶯過短牆

后山談叢

蘇子瞻通判錢唐營妓陳狀以年老乞出籍從良公
許之有周生者色藝爲一郡之最聞之亦陳狀乞嫁
公惜其去判云慕周南之化此意誠可嘉空冀北之
羣所請宜不允

通水燕談錄

周美成在姑蘇與營妓岳楚雲相戀後從京師過吳
則已從人久矣因飲於太守坐上見其妹因作點絳
唇詞寄之遼海歸來故鄉多少傷心地短書不寄魚
浪空千里憑仗桃根說與相思意愁無際舊時衣袂

猶有東風淚楚雲讀之感泣者累日

夷堅支記

唐州二營妓其一小字憐憐其一名梅時廖明畧皆與之往來

墨莊漫錄

蜀人皆呼營妓爲女校書故胡曾贈薛濤曰萬里橋邊女校書枇杷花下閉門居掃眉才子知多少管領春風總不如

鑑戒錄

范較書雙玉秦淮女子文舍人有相逢恨少珠千斛問字云從玉一雙之句

本事詩

宗羅中揮千金買一校書姓陳名一軸畫

感迷續錄

方芷秦淮女校書與李貞麗女阿香最洽阿香屈意

侯公子得所托矣方芷曰侯郎名士耳予欲得一忠
義士與其千古及歸楊文驄每謂奩具中帶得異寶
他日相贈無何國難作馬阮駢首侯生攜李香窠去
方芷出一鏤金箱從容而進曰襲日許君異寶今可
試矣楊發之草繩及小七首也楊愕然遲同意未決
方芷厲聲曰男兒留芳貽臭所爭止此一刻楊遂慷
慨自縊方芷視其氣絕鼓掌笑曰平生志願酬矣引
七首自刺喉死

借鐸

永嘉籍妓中有山姓者頗慧麗康執權時命之侑尊
一日妓之父以事繫縣妓涕泣求救康憫之爲賦詩

云河陽清縣昔春風忍使梨花偏帶雨妓詣縣投狀
連此詩于狀前邑宰笑而釋之

庚溪詩話

內人許和子本樂家女開元末入宮籍于宜春院漁
陽之亂後竟歿于風塵及卒謂其母曰阿母錢樹子
倒矣

樂府雜錄

許和子明皇雜錄作許子和

崔紫雲李尚書樂妓詞華清峭眉目端麗杜紫微過
李公留宴家妓盛列杜顧主人曰嘗聞有能篇咏紫
雲者今日方知名不虛傳儻垂一惠無以加焉諸妓
皆回頭掩笑杜作詩曰華堂今日綺筵開誰喚分司
御史來忽發狂言驚滿坐三重粉面一時回詩罷升

車而去李公以紫雲贈之荷兒小名錄

晉王樂妓劉良女姿容婉麗武宗西幸宣府悅之遂
載以歸飲食起居必與之偕南征亦隨行在武宗每
縱獵輒以劉女諫而止明武宗實錄

韓晉公鎮浙西戎昱爲部內刺史郡有酒妓善歌色
亦嫺妙昱情屬甚厚浙西樂將聞其能白晉公召置
籍中是不敢留爲歌詞贈之既至開筵妓首唱戎詞
韓問曰戎使君于汝寄情耶悚然起立曰然言與淚
俱韓召樂將責曰戎使君名士留情郡妓何故不知
而召置之成余之過乃命妓百緡卽時歸之本事詩

馬或使于燕韓定辭館之時燕之酒妓轉轉者一代名姝韓之所眷也馬頻目焉韓曰願垂一詠卽當奉之或作轉轉之賦遂載以歸

補見侍小名錄

張郎中嘗爲廣陵從事與酒妓致情後二十年與李相紳宴飲前妓在席目張悵然如將涕下李起更衣張以指染酒題詞盤上妓深曉之李旣至張持盃不樂李覺之卽命妓歌以送酒遂唱是詞曰雲雨分飛二十年當時求夢不成眠今來頭白重相見還上襄王玳瑁筵張辭歸李令妓夕就之

本事詩

天水僊哥字絳真善談謔常爲席糾寬猛得所又有

鄭舉舉者嘗與絳真互爲席糾又有俞洛真淫冶任酒殊無雅裁亦時爲席糾頗善章程

北里志

王小大圓滑便捷善周旋又工于酒糾能爲酒客解紛釋怨時人爲之和氣湯

板橋雜記

玉烟善典觴能使意之所屬曲爲照顧令不苦飲張宏軒曰如玉烟者可謂傾城悅名士矣

今世說

妓曰錄事

元氏長慶集

蘇叔黨至東都見妓稱錄事太息曰今世一切變古唐以來舊語皆廢此猶存唐舊可喜前輩稱妓口酒糾蓋謂錄事也相藍之東有錄事世傳以爲朱梁時

名妓崔小紅所居

老學菴筆記

汪憐憐湖州角妓也。湟古伯娶以爲妾。經三載死。汪
髡髮尼寺。卒老于尼。

輟耕錄

角妓王寶奴。號眉山。武宗駐蹕金陵。選教坊司樂妓
十人備供奉。寶奴爲首。姿容濃麗。數侍巾櫛。武宗回
鑾。寶奴還舊籍。咸以貴人呼之。自供奉歸後。寶奴閉
閣不出。嘆曰。婢子獲執巾天子。安得復爲人役。遂長
齋緇佛。爲道人。裝以老。

本事詩

趙執信有贈津門角妓真珠詞

節山集

王小奕舊院後門妓也。與蘇桂亭。葛鳳竹。羅桂林。齊

名號四君游人望其塵冉冉如金支翠蓋

曲中志

舊院妓朱斗者色不甚都頗閑筆硯咏柳有云早知

留得行人住多向江頭種幾行

補述樓史

姜舜玉南京舊院妓白號竹雪居士

明詩餘

南京院妓有名一串金者

書集

六院麗人有沙飄飄者爲冠評者比之蕃禧觀瓊花

未有兩樹云

靜志居詩話

金陵舊院有頓脫諸姓皆元人沒入教坊者順治末

有脫十娘者年八十餘尚在萬厓中北里之尤也又

郭姬無美頓注中尚無恙卽鄭妥娘也

池北偶談

鄭敬詩楚潤相若別有情楚娘潤娘妓之尤者

無言

史鳳宣城妓也待客以等差甚異者有迷香洞神鷄
枕鎖蓮燈次則交紅被傳香枕八分羊下列不相見
以閉門羹待之使人致語曰請公夢中來馮垂客于
鳳馨囊有銅錢三十萬盡納之得至迷香洞題九迷
詩于照春屏而歸

常新錄

政和間李師師崔念月二妓名著一時李生門第九
峻靖康中李生與同輩趙元奴及築毬袁絢武震輩
例籍其家李生流落來浙中士大夫猶邀之以聽其
歌然憔悴無復向來之態矣

汴都平康記

中友前娼戶惟李博士最著

白顯龍

李師師極爲徽宗愛幸後金兵南犯淪落湖湘間爲

商人所得作詩自悼曰輦轂繁華事可傷師師垂老

過湖湘羅衫檀板無顏色一曲當年動帝王

宣和遺事孤

臣泣血錄徽宗在五國城中作李師師傳讀書敏求記李師師小傳一卷隨安刊于推場中

淳祐間吳妓徐蘭擅名一時堂館曲折華麗亭榭園

池無不具至銷金帳幔侍婢執樂者十餘輩金銀寶

玉器玩名人書畫飲食受用之類莫不精妙遂爲三

吳之冠其後富沙之唐媚魏華蘇翠京口邢蕊韓香

越之楊花繆翠皆以色藝稱

癸辛雜識

陳瓊姬小字芳春其先姑氏名淑女者擅絕一時以故其家餘韻尚存乃今得瓊姬容止婉麗矩度幽閑種種可意自是旖旎騷人棲遲羈客矣

曲中志

王玉娟鬢髮而明眸玉骨而雪膚標格閑逸如野鶴之在汀渚也

曲中志

金獸頭湖廣名妓也貫只哥平章納之貫沒流落湘湖間酸齋有老鸛啄之誚

青樓集

張玉梅劉子安之母也劉妻曰蠻婆兒皆擅美當時其女關關謂之十婆兒七八歲已得名

青樓集

劉婆惜通文墨滑稽善舞時貴多重之一日謁金子

仁時賓朋滿座全頭戴青梅一枝口占清江引曲云
青青子兒枝上結令座客續之眾未及對劉歛衽進
曰容妾措詞乎全曰可應聲曰青青子兒枝上結引
惹人攀折其中全子仁就裏滋味別只爲你心酸留
意兒難拚捨全大稱賞納爲側室

青樓集

馬如玉字楚嶼修潔蕭疎無兄女子態凡行樂伎倆
無不精工熟精文選唐音善小楷八分書及繪事傾
動一時士大夫而削髮女娛與之婉孌至有截髮燒
臂抵死不相舍者曲中咸以爲異

曲中志

馬湘蘭名噪一時有舉人請見湘蘭拒之後授留都

禮部主事適有訟湘蘭者湘蘭來見主事怒曰人言馬湘蘭徒虛名耳湘蘭曰惟其有昔日之虛名所以有今日之實禍主事笑而釋之

聞雁齋筆談

趙今燕號連城張幼于賦七夕詩贈之云翠帳紅妝送客亭佳人眉黛遠山青試從天上看河漢今夜應無織女星由是今燕名重北里

本事詩

京中伎女以王雪簫爲最而薛素素才技過之

亘史

一妓從士人秋夜會飲臨風舉酒曰如此雲物高爽可稱詩天卽目其妓聲名頓起

筠廊偶筆

湖州楊娼韻者以色藝顯名一時仲彌性惑之誓與

偕老韻以誕日嘗作醮供彌性爲代作醮詞云身若
萍浮尚乞憐于塵世命如葉薄敢祈祐于元穹適屆
生初用輸誠曲妾綠業如許流落至今桃李半殘何
滋于苑圃燕鶯已懶空鎖于樊籠隻影自憐甘心誰
亮香爐經卷早修清淨之緣歌扇舞衫尚掛平康之
籍伏願來吉祥于天上脫禁錮于人間既往修四來
收結果辟纏綿履早偕夫夫婦婦之儀墮珥遺簪免
脫暮暮朝朝之苦人之所願天不可誣 玉照新志
齊王秀者京師名娼嘗侍長陵宴有女曰江斗奴以
色藝宣聲宣德間 應菴任意錄

名娼爲花君子

牡丹榮辱志

添蘇長安名妓也孫僅尹京兆日魏野寄詩云見說
添蘇亞蘇小隨軒應是佩珊珊孫以示添蘇喜如獲
寶求善筆札者大署其詩于壁野以事抵長安有好
事者與密過添蘇家見其風貌魯質固不前席野忽
見壁所題乃索筆于側別紀一絕云誰人把我狂詩
句寫向添蘇繡戶中間暇若將紅袖拂還應勝得碧
紗籠添蘇始知是野大加禮

淵山野錄

妓女滿瑩娘人稱爲有有娘謂有情有色也

青異錄

官妓連枝秀姓孫氏年四十餘因投禮逸士風尚老

爲師而主教者褒以空湛靜慧散人之號狹二女童
放浪江海間 藝林錄

錢玉蓮宋名妓從孫汝權某寺殿成梁上題信士孫
汝權同妻錢玉蓮喜拾 南窓閒筆

孫汝權乃名進士玉蓮則王十朋友也十朋劾史浩
汝權嗾之史氏子姓遂作荆釵記以玉蓮爲十朋妻
而汝權有奪配事其實不根之謗也 龍門增記

錢玉蓮本娼家女初王與之狎錢許嫁王後王狀元
及第竟不復顧錢憤而投江死 龍江逸志

趙彩姬字今燕南院妓名冠北里時曲中有劉董羅

葛段趙何蔣王楊馬諸先後齊名所謂十二奴也晚

居琵琶巷口號閉門趙四靜志居詩話 昌伯摩曰

燕詩更送秦淮知其尚在詩而見之客與溫文清言

楚楚風流可想金陵有十二名姬而當時所傳文彩風流以女俠自

命者湘蘭最著本事詩

名妓朱秦玉鄭無美與馬湘蘭趙今燕為秦淮四美

人滿洲說雨錄

薛濤初笄以詩聞又能掃眉塗粉華早鎮蜀召令侍

酒賦詩濤出入幕府自卓至李德裕歷事十一鎮皆

以詩受知其間與濤唱和者元稹白居易牛僧孺令

狐楚裴度嚴綬張籍杜牧劉禹錫吳武陵張祐等凡
二十餘人皆一時名士後段文昌再鎮成都清卒年
七十三文昌爲撰墓誌

牋紙諸

韋蟾廉問鄂州罷賓僚祖餞蟾書文選句云悲莫悲
兮生別離登山臨水送將歸請賓從續之有妓口占
二句云武昌無限新栽柳不見楊花撲面飛

雅言雜
載

劉季招吳妓也席上贈張子行詩傳誦著名

吟臆雜
錄

官妓蘇瓊能詞蔡元長命卽席爲之韻以九字詞云
韓愈文章蓋世謝安情性風流良辰美景在西樓敢
勸一卮芳酒記得南宮高第弟兄爭占鰲頭金爐玉

殿瑞烟浮高占甲科第九蓋元長奏名第九也

復齋漫筆

詩妓齊景雲善琴對人雅談終日不倦與傅春定情不見一客春坐事成邊景雲欲隨不得遂蓬首垢面

閉戶閣佛書未幾病歿

樊川語

鷓鴣敘州詩妓也有白敘詩

玩畫齋雜著編

江浙間妓女有慧黠知文墨能于席上指物題咏應命輒成者謂之合生其滑稽含翫諷者謂之喬合生蓋京都遺風也

青泥蓮花記

馬守真字湘蘭一字元兒又字月嬌金陵妓貌本中人而放誕風流善伺人意性復豪俠恒揮金以贈少

年感吳人王伯穀解墨郢之阨欲委身焉伯穀不可
萬歷甲辰伯穀年七十湘蘭買樓船載小鬟十五造
飛絮園置酒爲壽辰夕歌舞流連者累月亦勝引也
伯穀序其詩云秣陵佳麗之地青樓狹邪之間桃葉
題情柳絲牽恨胡天胡帝爲雨爲雲有美一人風流
絕代問姓則千金燕市之駿託名則九畹湘江之英
輕錢刀若土壤翠袖朱家重然諾如丘山紅妝季布
爾其擲琉璃之管字字風雲擘玉葉之牋言言月露
翻庭花之舊曲按子夜之新聲奚特錦江薛濤標書
記之目金昌杜韋憫刺史之腸而已哉

靜志居詩話

蔣蘭玉含英毓華蜨塵祛汶談譴竟歲月不涉一烟

火語

曲中志

張楚嶼厭薄統綺與同志者品題花月指點江山意
豁如也後受戒棲霞法師易名妙慧

青泥蓮花記

趙彩燕雖籍在青樓乃靚妝冶容夷然不屑惟是香
爐茗盃把卷稱詩所交盡名士遇寒儉每私爲供具
至脫簪珥不辭他挾貲勢者非其好也

林下集

趙嘏嘗惑一美姬名青娥後爲浙帥所得嘏及第以
一詩索之浙帥使送歸嘏逢嘏于橫水驛姬抱嘏慟
哭而絕

全唐詩話

薛宜條與青州妓段東美屬情臨別皆嗚咽流涕薛
在途染疾而卒輓歸東美至驛素服執奠撫柩哀號
一慟而卒

清溪暇筆

南曲張住住少而敏慧能辨音律鄰有龐佛奴與之
同歲亦聰警甚相悅慕年六七歲隨師于學中歸則
轉教住住私有結髮之契及住住將笄其家拘管甚
切佛奴稀得見之又力窮不能致聘俄而有陳小鳳
者欲聘住住佛奴因寒食爭毬故逼住住之牕伺之
住住謂佛奴云上巳日我家踏青去我當以疾辭彼
卽自爲計也佛奴喜甚至期舉家踏青去住住獨留

遂與傳奴一遂平生既而小鳳欲納嘉禮住住指塔
井曰若逼我將骨董一聲矣時小鳳爲平康富家車
服甚盛佛奴傭於徐邸不能給食邸將憐之而致職
名竟補邸將終以禮聘住住且建大第而小鳳家事
日盛反不侔矣

北里志

韓香南徐妓也色藝貫一時與葉氏子交閉門謝客
將終身焉葉父怒以妻一老卒香自刎

隨隱漫錄

王玉貞武林名妓陸仲舉過武林玉貞一見投契日
脫簪珥買櫓于湖上後貞囊餘空乏仲舉忽然他適
貞留之不得遂赴湖死

林下詞談

南京名妓張小三稚齒雅容不肯就門戶曰能妻我者當與之諧松人楊玉山聞而求之捐數十金成婚踰月欲隨之還家楊妻妬不敢許約以半載爲期及去妓守志不渝數寄聲楊所楊感其誠歲四五至至必留旬月所贈遺以千萬計往來如家焉久之貲日削旣二十年田產爲空男女未婚嫁薪水且不給而日受妻子怨言怏怏悔嘆兩目失明妓恠其久不來使使諭焉盲矣乃扁舟下江直造楊氏之廬登堂拜主母捧楊首大慟曰主君貧困職我之由當爲君婚嫁君幸勿苦悉出向所贈物以嫁其二女又爲二子

納室留侍湯藥者一年楊死妓人脫簪珥殯之守其
柩不去妻亦哀憫其志語曰姊院中衣食自豐何爲
困此與我同辛苦妓謝曰奴非碌碌市門女也少
不汗之誓與主君交往廿年名雖風塵身不異楊氏
之少房也願從主母執庖湍之勞歿且不悔

青泥蓮
花記

河南王舜卿父致政歸生留都下支領給賜與妓王
堂春姓蘇者狎不一年所賞罄盡妓待如故但爲鴿
日憎生不得已出院流落寓某廟中廊下有賣菓者
見之曰公子乃在此耶王堂春爲公子誓不接客命
我訪公子所在今幸毋他往乃報蘇蘇誑其母往廟

酬香見生抱泣曰君名家公子一旦至此妾罪何言然何不歸生曰路遙費多欲歸不得妓與之金曰以此置衣飾再至我家當徐區畫生盛飾僕從復往鴇大喜相待有加設宴夜闌生席捲所有而歸鴇知之撻妓幾死因剪髮跣足斥爲庖婢未幾山西商聞名求見知前事愈賢之以百金爲贖身踰年髮長顏色如舊攜歸爲妾初商婦皮氏以夫出與監生通及夫娶妓皮妬之置毒酒中妓未飲夫代飲之遂死監生欲娶皮乃唆皮告官成獄生歸矢志讀書登甲科擢御史潛訪得監生事逮訊伏法王令鄉人僞爲妓兄

領回籍陰置別邸爲側室好事者撰爲金釧記

東山草堂

通言

李東與妓女王四兒甚密及遷御史令王詐爲閭者
自隨事露爲詮曹所黜王從之不忍舍久之東鬱鬱
得疾終王日守其棺不去及葬自縊死

蔬齋屏語

楊娼者長安殊色也嶺南帥悅之妻甚悍帥乃陰出
重賂削去娼之籍而館之他舍間歲帥得病思一見
娼而憚其妻乃命娼托爲煎調婢以見帥事洩妻乃
擁健婢數十熾膏鐵于庭須其至當沒之沸鬪帥聞
大恐促命止娼之至而帥遂物故娼曰將軍由妾而

死妾安用生爲撤奠而死

李羣玉楊妃傳

毛惜惜高郵軍妓也榮全據高郵城叛召惜惜佐酒

惜惜罵曰汝本健兒官家何負於汝而反吾有死耳

不能爲反賊行酒全以刃裂其口立命繼之罵至死

不絕後封英烈夫人

中興集三朝野史曰方秋崖爲毛惜惜作義婦傳

唐仲友守台州眷妓嚴蕊朱熹以使節行部至台欲

以私蕊罪仲友達繫蕊備受箠楚一語不及守獄吏

誘使言蕊曰身爲賤伎縱與太守私罪不至死然妾

言以汚士大夫雖粉身不爲也聲價遂騰至徹阜陵

之聽

隨隱漫錄雪舟胖語曰唐杜牧春官妓嚴蕊

自便使問去好安歸孟奴賊卜算子末云佳也如何
住去也終須去若得山花揮滿頭莫問奴歸處

元兵攻金某城矢石之際忽見一女呼城下曰我倡
女張鳳奴也許州破被俘至此彼軍不日竄矣諸君
逆力堅守無爲所訖也言訖投濠死

愧林漫錄

京師娼女高三自幼美姿容昌平侯楊俊見之屬意
因與之狎僭處子也侯往備北邊數歲高閉門謝客
天順初侯爲石亨所忌奏斬於市高素服往哭親吮
其血仍綴其首買棺殮之遂縊而死

七修類稿

大賈石某犯罪發遣以白金萬兩寄所昵妓後數年
赦回妓以所寄還之封識如故

迂億

徐于與妓徐三善三許嫁于于盡其貲力爲庀衣衾
鏡奩歸有日矣于臥病三忽遣蒼頭持書至于喜發
視之則片紙訣絕已盡竊其貲夜奔武弁矣

本事詩

高陽王雍妓女五百隋珠照日羅衣從風河間王琛
欲敵之妓女三百盡皆國色

洛陽伽藍記

齊張瓊妓妾盈房或譏其衰暮畜妓瓊曰平生嗜欲
無一復存唯未能遺此耳

敘小志

蕭景先遇疾作啓謝世祖曰自丁荼毒以來妓妾已
多可以明月佛女桂支佛兒玉女美玉上臺美滿艷

華奉東宮

南齊書

章昭達每飲會必盛設女伎音律姿態盡一時之妙
陳書

鄭還古將調西都柳將軍餞之出家妓薦酒容艷嬌
絕鄭竊窺眷眷柳謂鄭曰此沈真真本良家子頗好
文詞請賦詩以定情侯君拜命卽送賀鄭賦詩柳覽
之大喜俾真真拜謝還古抵京旋拜伊闕柳卽送真
真赴京請鄭相見真真飾容致拜還古起前遽執真
真之手長呼而卒

紺珠集

劉禹錫有妓善歌李逢吉請一見盛粧而往旣入不
復出劉惶嘆爲詩以獻明日妓見李但含笑曰詩大

好事詩

陶穀買得党家太尉故妓取雪水烹團茶謂妓曰党家應不識此妓曰彼處人安得有此景但能銷金帳下淺斟低唱飲羊羔酒耳

漁隱叢話

姑臧太守張憲使娼妓戴佛壺巾錦仙裳密粉淡粧使侍閣下奏書者號傳芳妓酌酒者號龍津女傳食者號仙盤使代書札者號墨娥按香者號麝姬掌詩藥者號雙清子總謂之鳳窠翠女又曰團雲隊與雲仙

姑臧前後記

藝文類聚抄如妓作諸姬

劉承勳畜妓樂數十百人每置妓價數十萬教以藝

又費數十萬而服飾珠犀金翠稱之

陸游南唐書

東坡有歌舞妓數人每留賓客飲酒必曰有數個搽粉虞侯欲出來祇應也

軒渠錄

王韶宴客出家妓坐客張績醉挽妓不前將擁之妓泣訴于韶韶曰出爾曹以娛賓乃令客失歡命取大杯罰妓

東軒筆錄

放翁客自蜀挾一妓歸畜之別室率數日一往偶病少疎妓頗疑之客作詞自解妓卽韻答之云說盟說誓說情說意動便春愁滿紙多應念得脫空經是那箇先生教的不茶不飯不言不語一味供他憔悴相

思已是不曾閒又那得工夫呪你

齊東野語

顧阿英有二妓曰小瓊花南枝秀每宴會必預

蘇談

廬江箏笛浦有一大船覆在水漁人宿其旁聞箏笛之聲及香氣氤氲漁人夢人驅遣云勿近宮妓此人驚卽移去相傳曹公載妓船覆于此

續搜神記

東昏侯置射雉場每出則妓妾爭逐於後

齊春秋

李商隱有宮妓詩注云宮妓內妓也

李義山詩注

申王冬月使宮妓密圍于坐側以禦寒氣呼爲妓圍

開元天寶遺事

小東長沙妓以能詩得幸于馬氏後國入爲郡或訶

其長沙宮中則必南望泣涕而後言

侍兒小名錄

國樂夫人有永新嬪御史娘柳青娘皆一時之妙也
有與御史娘詩曰天下能歌御史娘花前月底奉君王
九重深處無人見獨把新聲侍順郎

桂苑叢談

唐文宗朝女弟子鄭中丞善胡琴內庫有兩面琵琶
號大忽雷小忽雷鄭常彈小忽雷因損送崇文坊趙
家修理時梁厚本有別墅臨渭河垂釣之際一物浮
過長五六尺許上以錦綺纏之令家僮接得就岸乃
秘器也發開視之一女郎裝飾儼然以羅巾繫其頸
解其領巾伺之口鼻間尚有餘息卽移入室中將養

經旬方能言云是內弟子鄭中丞也以忤旨命內官
縊殺投于河中因涕泣感謝厚本無妻納爲室自言
善琵琶其琵琶在趙家修理厚本購得之值良辰飲
于花下酒酣不覺朗彈幾曲有黃門于牆外聽之曰
此鄭中丞琵琶聲也竊窺識之朔日達上聽文宗方
追悔至是驚喜卽命宣召問其故乃赦厚本罪任從
匹配仍加賜資焉

樂府雜錄

妓女入宜春苑謂之內人亦日前頭人常在上前頭
也其家猶在教坊謂之內家給賜同十家

教坊記

趙絕都謂內人得幸者爲十家

天祿識餘

諸家散樂以長在至尊左右爲長入

教坊記

樓下戲出隊宜春院人少卽以雲韶添之雲韶謂之
宮人蓋賤隸也

平康志

宋女弟子隊曰彩雲僊隊

文獻通考

臺史卷二十一